



**ქვეყნის საბანკო მომსახურების ევოლუციური
პროცესების თანამედროვე ტენდენციები**

დავითი ნაჭყებია
სტუ დოქტორანტი

საბანკო მომსახურების ბაზრის ჩამოყალიბების ეტაპების თავისებურებების რეტროსპექტიული გამოკვლევებისას მიღებულმა მონაცემთა სისტემატიზაციამ საშუალება მოგვცა დავასკვნათ, რომ ეროვნული ეკონომიკის განვითარების მხოლოდ პოსტკრიზისულ ფაზაზე იყო უზრუნველყოფილი აუცილებელი პირობების არსებობა, საბანკო მომსახურების ბაზრის, როგორც მის სუბიექტებს შორის კონკურენტული ბრძოლის სფეროს ინტენსიური განვითარებისათვის.

პირველ რიგში, ხარისხობრივი ტრანსფორმაციის პროცესი შეეხო ტრადიციულად, კორპორატიულ კლიენტურაზე ორიენტირებული რესურსების მომსახურების მობილიზაციას, რამაც ასახვა ჰპოვა ეკონომიკის რეალური სექტორის დაკრედიტების მოცულობის ექსპონენციალურ მატებაში. უმსხვილესი კომპანიები აქტიურად იზიდავენ რესურსებს გარე და შიდა ბაზრებზე. იზრდება კორპორატიული ობლიგაციების ბაზარი და სესხების ამ ფორმას იყენებენ არა მარტო მხსვილი, არამედ საშუალო კომპანიებიც. ამიტომ, საბანკო ბიზნესის განვითარება, საბანკო „აკრედიტული“ პროდუქტების შეთავაზების გაფართოებისკენ და აგრეთვე, აქცენტის გადატანა სეგმენტის უფრო შემოსავლიანი კლიენტების (საშუალო და მცირე ბიზნესის წარმომადგენლები, ფიზიკური პირები) მომსახურებაზე, ქვეყნის საკრედიტო ორგანიზაციების უმრავლესობისთვის პრიორიტეტული მიმართულება გახდა.

საქართველოს ბანკების სტატისტიკური და ანალიტიკური ინფორმაციების დინამიკური და სტრუქტურული ანალიზების შედეგების სისტემატიზაცია, მარკეტინგული და მეცნიერული გამოკვლევების მონაცემების განზოგადება, ეკონომიკურსა და სპეციალურ გამოცემებში გამოქვეყნებული ნაშრომები, მიმდინილი თანამედროვე საბანკო ტექნოლოგიების განვითარების პრობლემებისადმი, საშუალებას გვაძლევს გამოვავლინოთ საბანკო მომსახურების ბაზრის განვითარების უფრო მნიშვნელოვანი ტენდენციების სისტემა, რომელიც განსაზღვრავდა ქვეყნის საბანკო დაწესებულებების მიმდინარე საქმიანობის პრიორიტეტების და აგრეთვე შემდგომი ტრანსფორმაციული პროცესების ძირითადი მიმართულებების რანჟირებას:

1. საკრედიტო ორგანიზაციების საქმიანობის უნივერსალიზაცია;
2. საბანკო ბიზნესის საცალო მიმართულების განვითარება;
3. ინფორმაციული ტექნოლოგიების როლის გაძლიერება ბანკის კლიენტზე ორიენტირებული სტრატეგიის კონკურენტუნარიანობის უზრუნველსაყოფად;
4. საბანკო კაპიტალის გამსხვილება.

თითოეული მითითებული ტენდენციის ჩამოყალიბება საბანკო მომსახურების ბაზარზე განპირობებული იყო რიგი მიზეზით. ასე, საკრედიტო ორგანიზაციების უნივერსალიზაცია ჩამოყალიბების პროცესში მყოფი და საბანკო მომსახურების მდგრადი ზრდის სტადიაზე გამსვლელი ბაზრისთვის, ბუნებრივი პროცესია. მისი დინამიკა განპირობებულია ეროვნული ეკონომიკის საერთო სტაბილიზაციით, რაზეც მეტყველებს მისი ფუნქციონირების ძირითადი მაკრომაჩვენებლები.

სოციალურ-ეკონომიკური განვითარების მდგრადი ტემპების სტადიაზე ეკონომიკის გადასვლის უზრუნველყოფამ, საბანკო სექტორის ლიკვიდურობის ზრდამ გამოიწვია ფაქტორების ერთობლიობის წარმოქმნა, რომლებმაც არსებითად შეამცირა ფინანსური ინსტრუმენტების შემოსავლიანობა და როგორც შედეგმა, განაპირობა შემოსავლების ახალი წყაროების

მოძიების აუცილებლობა, ფინანსური პროდუქტების შემოთავაზების გაფართოებისა და დივერსიფიკაციის ხარჯზე.

მეორე მხრივ, კონკურენციის გამკაცრება მრავალჯერ ამაღლებს თითოეული კლიენტის ღირებულებას და ბანკისთვის პრიორიტეტული ხდება დამუშავებულ კლიენტთა ბაზის შენარჩუნების და ახალი მიზნობრივი სეგმენტის ათვისება. ამან კი საბოლოო ჯამში, განაპირობა ბანკების თანდათანობითი ტრანსფორმაცია „ფინანსურ მარკეტებში“.

ხარისხობრივი და ფუნქციონალურად ღირებული ფაქტორების გარდა, მსგავს პირობებში განსაკუთრებულ სიმწვავეს იძენს არსებული კლიენტების ლოიალურობის ამაღლების საკითხი, ბანკის მიმზიდველი იმიჯისა და მიწოდებული პროდუქტების ხასიათის ფორმირება, რაც ხელს უწყობს პოტენციური კლიენტებისათვის საკრედიტო ორგანიზაციების მომსახურების სა-
მომხმარებლო ღირებულების გაზრდას.

ამ პირობებში, საკრედიტო დაწესებულებების უმრავლესობისთვის განვითარების საერთო მიმართულება გახდა არსებულ კლიენტთა ბაზასთან მუშაობის ინტენსიფიკაცია, რომელიც მიმართული იყო მომსახურების ხარისხის ამაღლებისა და ბანკის კლიენტთან მდგრადი გრძელვადიანი კავშირების დამყარებისკენ. მაგალითად, მსხვილ და საშუალო კორპორატიულ სეგმენტთან მუშაობისას, პრიორიტეტული მიმართულება გახდა საბანკო სერვისის პერსონიფიცირება, რაც გულისხმობს მომსახურების ინდივიდუალური სქემის შემუშავებას. მსგავსი მიდგომის სარეალიზაციოდ ბანკს შეუძლია იმოქმედოს შემდეგი მეთოდებით:

1. ე.წ. „კონსტრუქტორის“ მეთოდის გამოყენების შემთხვევაში, ფინანსური პროდუქტების მოდულის კომპონენტები (როგორც საკუთარი, ასევე რეალიზებული ხელშეკრულების საფუძველზე, მაგ. დაზღვევა) ეწყობა კლიენტის ინდივიდუალურ პროდუქტში;

2. არსებული პროდუქტის ხაზის მოდიფიცირება, წარმოების უფრო სრულყოფილი ტექნოლოგიებისა და პროდუქტის საბო-

ლო მომხმარებელთან მიტანის ხარჯზე.

3. პრინციპულად ახალი პროდუქტის შექმნა.

კომპლექსური მომსახურების ორგანიზება, ერთი მხრივ, ბანკებს უფლებას აძლევს აწარმოონ მოქნილი ფასწარმოქმნის პოლიტიკა, მოახდინონ გაცემული შეღავათების კომპენსაცია თანამხლები პროდუქტების გაყიდვის ზრდის ტარიფების მიხედვით; მეორე მხრივ, ხელს უწყობს ბანკსა და კლიენტს შორის გრძელვადიანი პარტნიორული ურთიერთობების განვითარებას, კლიენტს უქმნის მომსახურების ექსკლუზიურობის შეგრძნების საშუალებას და საბოლოო ჯამში, მიჰყავს მისი ლოიალურობის ამაღლებისა და აგრეთვე, განმეორებითი გაყიდვების, შემოსავლების და მისი მომსახურების რენტაბელობის გაზრდისაკენ.

„საპაკეტო“ წინადადებების შემუშავება, მიზნობრივ სეგმენტზე მიმართული ზემოქმედების პირობებში, ზრდის ბანკის კონკურენტულ უპირატესობებს და წარმოადგენს ეფექტურ ინსტრუმენტს ახალი კლიენტების მოსაზიდად. ამასთან, ბანკს საშუალება ეძლევა მოზიდვის ეტაპზე გამოიყენოს ფასწარმოქმნის დივერსიფიკაციის ხერხები. მაგალითად, თუ კლიენტი მიმართავს მხოლოდ დაკრედიტების მომსახურებისათვის და მიაღწევს პროცენტული განაკვეთის შემცირებას, მაშინ ეს უზღუდავს ბანკს „ვაჭრობის“ საშუალებას. მსგავს სიტუაციებში ბანკის მზადყოფნა, უარი თქვას დროის იმ მომენტში შემოსავლის ნაწილზე, უმრავლეს შემთხვევაში განისაზღვრება მისი სიმტკიცის ხარისხით, თუ, პერსპექტივაში რამდენადაა იგი დარწმუნებული მოცემულ კლიენტთან თანამშრომლობის გაფართოებიდან შემოსულ შემოსავლებში. მაგრამ, თუ ბანკი ეწევა მიზანმიმართულ სამუშაოს ახალი კლიენტების მოსაზიდად, მიზანშეწონილია ერთდროულად შეიმუშაოს რამდენიმე ალტერნატიული „პაკეტი“, რომელიც განსხვავებული იქნება მასში შემავალი საბანკო პროდუქტების რაოდენობით, შემადგენლობით და შესაბამისად, ტარიფების მიხედვით.

რამდენადმე სხვაგვარი სიტუაციაა მცირე ბიზნესის საბანკო მომსახურების სექტორში. ორგანიზაციების ზომის მიუხ-

ედავად, კლიენტი მომსახურებისას ითხოვს ინდივიდუალურ მიდგომას და შეთავაზებული მომსახურების მაღალ ხარისხს. მიუხედავად მოცემული კლიენტის სეგმენტის დაკრედიტების უფრო მაღალი პროცენტული განაკვეთების გამოყენების შესაძლებლობისა და შესაბამისად, თითოეულ კლიენტზე გაანგარიშებული მოცულობებისა, პროცენტული და საკომისიო შემოსავლების მოცულობის აბსოლუტური გამოსახულება, ბიზნესის მცირე ზომის გამო, რჩება უცვლელი.

აშკარაა, რომ კომერციული ბანკის კლიენტთა ბაზაში მცირე ბიზნესის წარმომადგენელთა წილის მნიშვნელოვან ზრდას, რაც გულისხმობს საკრედიტო მომსახურებაზე მათი მასობრივი მოხიდვის ორგანიზებას, შეუძლია მნიშვნელოვნად გაზარდოს მისი შემოსავალი. ეს, თავის მხრივ, მოითხოვს სქემების არსებით გამარტივებას და დაკრედიტების პირობების ლიბერალიზაციას, ახალი მიდგომების შემუშავებას (რომელიც დამყარებულია უფრო არაფორმალურ და ექსპერტულ მიდგომებზე, ვიდრე ოფიციალური ანგარიშგების ანალიზზე) და აგრეთვე, ბანკის შიდა სტრუქტურული ქვედანაყოფების მუშაობის კოორდინაციის არსებით გაუმჯობესებას.

საქართველოს ბანკების საქმიანობის უნივერსალიზაციის ტენდენციების თვალსაზრისით, აუცილებელია აგრეთვე, კლიენტთა მიზნობრივი სეგმენტების გაფართოების ნაწილში ბიზნესის საცალო მიმართულების განხილვა.

ყურადღება უნდა მიექცეს საბანკო მომსახურების ბაზრის ჩამოყალიბების საწყის ეტაპებზე ბანკების უფრო ადრე მითითებულ უკიდურესად სუსტ ინტეგრაციას მეურნეობის ყოველდღიურ საქმიანობაში. ქვეყნის მოსახლეობის დიდი ნაწილის მიერ საკრედიტო ორგანიზაციები განიხილებოდა, როგორც საგადასახადო-ანგარიშსწორების ინფრასტრუქტურა. ამ მტკიცებულების მართლზომიერებას გვიჩვენებს საცალო საბანკო მომსახურების მოთხოვნის შესწავლის შედეგები, ჩატარებული მარკეტინგული კვლევები. გამოყენების ინტენსიურობის მიხედვით ლიდერობს: კომუნალური და სხვა გადასახადების

განხორციელება, სახელფასო ბარათების მომსახურება, ვალუტის გაცვლა და აგრეთვე ფულის გაგზავნა-მიღება.

საბანკო მომსახურების ბაზარზე მსგავსი ტიპის სამომხმარებლო ქცევა შეიძლება აიხსნას შემდეგი მიზეზებით:

1. არა აქვს სურვილი ითანამშრომლოს საფინანსო-საკრედიტო ორგანიზაციებთან უნდობლობის ან ადრე მიღებული ნეგატიური გამოცდილების გამო;

2. არა აქვს რეალური შესაძლებლობა ისარგებლოს საბანკო მომსახურებით - შემოსავლის დაბალი დონე, არ არის დარწმუნებული საკუთარი ფინანსური მიდგომარეობის სტაბილურობაში, შემდგომ პერსპექტივებში გაურკვეველობა, საბანკო პროდუქტების მაღალი ღირებულება;

3. მოტივაციის არარსებობა, რასაც განაპირობებს: დეპოზიტების უარყოფითი შემოსავლიანობა, კრედიტების აუცილებლობის არარსებობა, პრინციპული უარი ვალის აღებაზე, საბანკო პროდუქტების მიწოდების სტრუქტურისა და ფუნქციონალური მახასიათებლების შეუსაბამობა მომხმარებელთა ჩამოყალიბებულ უპირატესობებთან, სესხების არაინსტიტუციონალური წყაროების არსებობა და მნიშვნელოვანი მიმზიდველობა.

4. საბანკო მომსახურების მიღების ფორმალური შესაძლებლობების არარსებობა - კერძოდ, დაკრედიტების მომსახურების მაგალითზე, რაც გამოიხატება თავდების, გირაოს, ოფიციალური დაბალი ხელფასის, კრედიტის მიღების პროცედურის სირთულესა და ხანგრძლივობის არარსებობაში.

ყველა ფინანსურ ბაზარზე კონკურენტული ბრძოლის გამკაცრებისა და საერთო შემოსავლიანობის შემცირების შედეგად, მოხდა საბანკო მარჟის უხეში შემცირება, რამაც ბანკებს ზიანი მისცა კორპორატიული კლიენტებისათვის შეთავაზებული ფინანსური პროდუქტების ახალი წყაროები აგრეთვე აქტიურად აეთვისებინათ საცალო სეგმენტი.

თავის მხრივ, ბიზნესის საცალო მიმართულების წარმატებული განვითარება, მოითხოვს შესაბამისი ინფრასტრუქტურის მომსახურებისა და გაყიდვის განშტოებული ქსელის შექ-

მნას. მომხმარებლის მიერ წაყენებულმა მუდმივად მზარდმა მოთხოვნებმა საბანკო პროდუქტების ხარისხის, სიჩქარის, კეთ-
ლოწყობის და რაც მთავარია, ღრეხულების მიმართ, გამოიწვია
ის, რომ საბანკო საქმის ქვაკუთხედს, კონკურენტუნარიანობისა
და ეფექტურობის მნიშვნელოვან ინსტუმენტს, წარმოადგენს
ბანკების მიერ გამოყენებული ტექნოლოგიები, ანუ მთელი
სიცხადით გამოვლინდა ინფორმაციული ტექნოლოგიების რო-
ლის გაძლიერების ტენდენცია საბანკო დაწესებულების კლიენ-
ტზე ორიენტირებული სტრატეგიის კონკურენტუნარიანობის
უზრუნველყოფად.

მთავარი საკითხი არის ის, თუ როგორი საინფორმაციო სის-
ტემა ან სისტემათა კომპლექსი სჭირდება ორგანიზაციას, თავისი
ბიზნესის ამოცანების გადასაწყვეტად. საბანკო საინფორმაციო
კომპლექსების ობიექტური სირთულეების გამო, განსაკუთრე-
ბით თუ ეს ეხება ბაზრის მოთხოვნილებებთან შესაბამისობას,
ფინანსური ორგანიზაციების მნიშვნელოვანი ნაწილი ამ ფუნ-
ქციების რეალიზაციას ახდებს აუტსორსინგის საფუძველზე,
სპეციალური კომპანიების მოხიდეით, რომლებიც ამა თუ იმ
პროდუქტს აწვდიან ბაზარს საბანკო საქმის ავტომატიზაციის-
თვის.

საბანკო ტექნოლოგიების მომსახურების ერთ-ერთი უფრო
მნიშვნელოვანი მიმართულებაა ბოლო მომხმარებელთან ფინან-
სური პროდუქტის მიწოდების მრავალი ალტერნატიული არხის
ორგანიზება და ეფექტური ინტეგრირება მოქმედ სისტემაში.
ტრადიციული ფილიალების შექმნის გარდა, ბანკები აქტიურ
ინვესტირებას აწარმოებენ შორი მიწოდების IT-გადაწყვეტილე-
ბებში - თვითმომსახურების მთლიანად ავტომატიზირებული
ოფისები, მობილური და ინტერნეტ-ბანკინგის ტექნოლოგი-
ები - რაც კლიენტისთვის ხელმისაწვდომს ხდის 24/7*365 რე-
ჟიმში მოწოდებულ მომსახურებას. მეორე მხრივ, ბანკის წარმა-
ტება დამოკიდებულია იმაზეც, თუ მიწოდებული პროდუქტი
რამდენად ზუსტად შეესაბამება კლიენტის უპირატესობებს.
ბანკებმა სერიოზულად დაიწყეს ფიქრი კლიენტებთან ურთი-

ერთდამოკიდებულების მართვის IT-გადაწყვეტილებების და-
ნერგვაზე, რაც ეფუძნება მარკეტინგისა და სტატისტიკური
ანალიზის ძირითადი პრინციპების გამოყენებაზე (Cusromer Re-
lationship Management).

სტატისტიკური მონაცემების მიხედვით, ბოლო რამდენიმე
წელია საბანკო ავტომატიზაციის ბაზარი ყოველწლიურად იზ-
რდება. დიდდება ბაზრის ჯამური მოცულობა, სირთულე და
შესაბამისად, კონტრაქტის ღირებულება.

გამოყენებული ლიტერატურა:

1. ცაავა გ. - საბანკო საქმე: ლექციების კურსი. - თბილისი, გა-
მომცემლობა „აფხ. მეცნ. აკადემია“, 2005. - 565 გვ.
2. ინგოროყვა ა., ჩხაიძე ზ., ცაავა გ. - საბანკო ინფორმაციული
სისტემები და ტექნოლოგიები. - თბილისი, 2009. - 400 გვ.

THE MODERN TENDENCIES FOR EVOLUTIONARY PROCESSES OF BANK SERVICE OF A COUNTRY

David Nachkebia
GTU, Phd student

Summary

In the article is discussed the evolutionary process of the banking
service market trends, where is formulated the priority of banking ser-
vice personification to work with medium and large corporate seg-
ment, which provides services to individual schemes.

It is noted that one of the more significant trend of the banking IT
services is to organize many alternative understandings of financial
product delivery to the consumer and effective integration into the op-
erating system.